

- 14016

SUD BOSNE I HERCEGOVINE

Primljeno: 24-06-2008 god. u 14 primjenika sa
2 ef. izvještaja rubrika.
 (ako postoje) poručeno na recepte dana

BOSNA I HERCEGOVINA KM u tektonim markama
TUŽILAŠTVO – TUŽITELJSTVO BiH
SARAJEVO (izmjene vrijednosti (novac, izmjeneno marke) i sl.)

Broj: KT-RZ-10/05
 Sarajevo, 24.06.2008. godine

Sud BiH / Суд БиХ
 Кривично одјелjenje / Апелационо одјелjenje /
 Кривично одјелjenje и Апелационо одјелjenje
 Одјел II / Одјел I и Одјел II
 Одјелjenje за судску управу / Одјелjenje за судску управу

x. TR/5/24 1657
4 (Str./Стр.)
15
24-06-2008

SUD BOSNE I HERCEGOVINE
Na broj: X-KR-05/24, X-KR-05/24-1, X-KR-05/24-2

U predmetu Tužilaštva BiH protiv optuženog Stupar Miloša i drugih zbog krivičnog djela genocid iz člana 171. Krivičnog zakona BiH, a na osnovu člana 275. Zakona o krivičnom postupku BiH, p o d n o s i m

IZMIJENJENU OPTUŽNICU

Na osnovu ocjene Tužilaštva da izvedeni dokazi ukazuju da se izmijenilo činjenično stanje izneseno u Optužnici broj: KT-RZ-10/05 od 12.12.2005.godine, dostavlja se izmjenjena precizirana Optužnica u dijelu koji se odnosi na opis i zakonski naziv krivičnog djela koja glasi:

ŠTO SU:

Stupar Miloš, u svojstvu komandanta Drugog odreda Specijalne policije Šekovići, kojim je komandovao, Trifunović Milenko, u svojstvu komandira Trećeg voda "Skelani" u sastavu Drugog odreda Specijalne policije Šekovići, kojim je vodom komandovao, i Mitrović Petar, Radovanović Aleksandar, Jakovljević Slobodan, Stevanović Miladin, Maksimović Velibor, Živanović Dragiša, Medan Branislav, kao specijalci – policajci u sastavu istog voda, Džinić Brano, kao specijalac – policajac u Drugom odredu Specijalne policije Šekovići i Matić Milovan kao pripadnik Vojske Republike Srpske, kao svjesni učesnici udruženog zločinačkog poduhvata, u periodu od 10.07. do 19.07.1995.godine, u kom su Vojska Republike Srpske i Ministarstvo unutrašnjih poslova Republike Srpske preduzimali širok i sistematičan napad na pripadnike bošnjačkog naroda u Zaštićenoj zoni UN Srebrenica, sa zajedničkim ciljem i planom da djelimično istrijebe skupinu bošnjačkog naroda, tako da žene i djecu protjeraju iz Zaštićene zone, a organizovano i sistematski zarobe, po prijekom postupku strijeljanjem pogube muškarce Bošnjake, svi optuženi, djelujući pojedinačno i zajedno sa drugim učesnicima udruženog zločinačkog poduhvata, znajući za taj plan, dana 12. i 13. jula 1995. godine raspoređeni duž ceste Bratunac-Milići na dijelu između sela Kravica i Sandići, opština Bratunac, uključujući i dio ceste kod skladišta Zemljoradničke zadruge Kravica, preduzeli slijedeće radnje:

- a. Osiguravali cestu i istu zatvarali i otvarali za promet u skladu sa planom prisilnog preseljenja oko 25 hiljada žena, djece i staraca bošnjačke narodnosti koji su usljed straha, terora, aktivne prijetnje i nanošenja povreda od strane pripadnika VRS-a i MUP-a natrpani u autobuse i kamione morali napustiti zaštićenu zonu;
- b. Dana 13.07.1995.godine izvodili sigurnosne operacije kao što su izviđanja i oružani napadi iz tenkova, praga, protivavionskih topova i drugog pješadijskog oružja na kolonu Bošnjaka u području iznad Kamenice u blizini definisanog dijela putne komunikacije prisiljavajući muškarce Bošnjake da se predaju;
- c. Istog dana osiguravali cestu, tako što su patrolirali cestom i pravili zasjede i na drugi način presretali članove kolone Bošnjaka koji su pokušavali da pobjegnu na teritoriju pod kontrolom Armije R BiH i učestvovali u hvatanju i zarobljavanju više hiljada Bošnjaka iz kolone ohrabrujući ih i mameći lažnim obećanjima da se predaju, a zatim kad bi se predali, zarobljenicima su oduzimali novac i druge vrijednosti, te im naređivali da odlože hranu, odjeću i ostalo što su nosili u torbama;
- d. Istog dana izvršavali sigurnosne dužnosti na i oko livade u Sandićima, opština Bratunac, na kojoj su zadržavali više hiljada zarobljenih muškaraca, pojedine od njih izdvajali, a zatim njih između 20 i 30 izdvojili i predali nepoznatim pripadnicima vojske VRS, koji su ih odvezli kamionom od kada im se gubi svaki trag, a najmanje jednog zarobljenog mladića na toj livadi strijeljali, odakle su zarobljene muškarce Bošnjake ukrcavali u autobuse, kojim se transportovani na pojedine lokacije predviđene za zatočenje i pogubljenje, uključujući i skladište u Zemljoradničkoj zadrugi Kravica,
- e. Istog dana, autobusima i u koloni sproveli više od jedne hiljade zarobljenih Bošnjaka muškaraca i zatvorili ih u skladište Zemljoradničke zadruge u Kravici, koje su u ranim večernjim satima, u prisustvu optuženog Stupar Miloša, većinu usmrtili tako što su optuženi Trifunović Milenko, Jakovljević Slobodan, Radovanović Aleksandar, Stevanović Miladin, Mitrović Petar, Medan Branislav, Maksimović Velibor, Živanović Dragiša, pucali iz automatskih pušaka u zarobljenike, Džinić Brano bacao na njih ručne bombe, a optuženi Matić Milovan od zarobljenih Bošnjaka oduzimao ručne satove, novac i zlato i punio okvire municijom, koji su korišteni za ubijanje zarobljenika,

Dakle,

u cilju da djelimično istrijebe nacionalnu, etničku i vjersku skupinu Bošnjaka ubili pripadnike skupine ljudi Bošnjaka i nanosili su teške tjelesne i duševne povrede stanovnicima Srebrenice kako muškog tako i ženskog pola, između ostalog, odvajanjem vojno sposobnih muškaraca od njihovih porodica i prisilnim iseljavanjem stanovništva iz njihovih domova na područja izvan Republike Srpske,

čime su:

SVI OPTUŽENI kao saučinitelji svojim radnjama učinili krivično djelo genocid iz člana 171. KZ BiH, u vezi sa članom 29. i 180. stav 1. KZ BiH.

1. Miloš Stupar:

- a) Kao komadant je odgovoran po članu 180. stav 1. u vezi sa članom 21. Krivičnog Zakona BiH, što je svojim prisustvom na mjestu masovnog pogubljenja zarobljenika i time što nije intervenisao sa ciljem da zaštiti zarobljenike koji su na tom mjestu pogubljenja još bili živi, pomogao i podržao izvršioce ubijanja tako što je njegovo prisustvo služilo kao prešutno ohrabrenje izvršiocima;
- b) kao nadređena osoba krivično odgovoran i za radnje svojih podređenih, na osnovu člana 180. stav 2. Krivičnog zakona BiH, jer je znao ili je bilo razloga da zna da se njegovi podređeni, spremaju počiniti krivične radnje ili da su ih počinili, a on nije preduzeo potrebne i razumne mjere da takve radnje spriječi niti da kazni njihove počinioce.

2. Trifunović Milenko:

- a) Kao komandir je odgovoran po članu 180. stav 1. u vezi sa članom 21. Krivičnog Zakona BiH, što je svojim prisustvom na mjestu masovnog pogubljenja zarobljenika i time što nije intervenisao sa ciljem da zaštiti zarobljenike koji su na tom mjestu pogubljenja još bili živi, pomogao i podržao izvršioce ubijanja tako što je njegovo prisustvo služilo kao prešutno ohrabrenje izvršiocima;
- b) Kao nadređena osoba krivično odgovoran i za radnje svojih podređenih, na osnovu člana 180. stav 2. Krivičnog zakona BiH, jer je znao ili je bilo razloga da zna da se njegovi podređeni, spremaju počiniti krivične radnje ili da su ih počinili, a on nije preduzeo potrebne i razumne mjere da takve radnje spriječi.

4. Svi optuženi zajedno sa drugim starješinama i jedinicama VRS-a i MUP-a navedenim u ovoj optužnici, bili su članovi i svjesni učesnici udruženog zločinačkog poduhvata, koji je imao za cilj: žene i djecu prisilno premjestiti iz srebreničke enklave u Kladanj, 12. i 13. jula 1995.; te zarobiti, zatočiti, po prijekom postupku strijeljanjem pogubiti, ukopati i nanovo zakopati hiljade muškaraca i mladića, Bošnjaka iz srebreničke enklave starosti od 16 do 60 godina, u periodu od 12. jula 1995. do oko 19. jula 1995. godine. Početni plan je bio da se prisilno premjesti i po prijekom postupku pogubi više od 1.000 muškaraca i mladića, Bošnjaka starih od 16 do 60 godina, koji su 12. i 13. jula bili izdvojeni iz grupe Bošnjaka u Potočarima. Dana 12. jula, taj plan je proširen i na pogubljenje po prijekom postupku više od 6.000 muškaraca i mladića starih od 16 do 60 godina, uhvaćenih u koloni muškaraca, Bošnjaka koji su bježali iz srebreničke enklave, u periodu od 12. jula do oko 19. jula 1995. godine. Većina tih muškaraca i mladića iz kolone bili su zarobljeni na cesti Bratunac - Milići 13. jula 1995. godine. Provedba ovog udruženog zločinačkog poduhvata rezultirala je pogubljenjem po prijekom postupku više od 7.000 muškaraca i mladića, bosanskih Muslimana iz srebreničke enklave.

Svi optuženi su posjedovali krivičnu namjeru i stanje svijesti potrebno za počinjenje zločina, a njihove radnje značajno su pomogle i olakšale počinjenje tih zločina. Učešćem optuženih u udruženom zločinačkom poduhvatu, te konkretnim radnjama i odgovornostima opisanim u ovoj optužnici ostvaruju se elementi potrebni da bi se utvrdilo da su, u smislu člana 180. Krivičnog Zakona Bosne i Hercegovina (KZ BiH) optuženi *počinili genocid, iz člana 171. KZ BiH.* Udruženi zločinački poduhvat, čiji

su članovi i ključni učesnici bili **OPTUŽENI**, začeli su i zamislili general Ratko Mladić i drugi 11. i 12. jula 1995. godine, a izveli i izvršili pripadnici snaga VRS-a i MUP-a, u vrijeme i na način opisan u ovoj optužnici.

Među članovima ovog udruženog zločinačkog poduhvata bili su: general Ratko Mladić, komandant VRS-a, general Milenko Živanović, komandant Drinskog korpusa do oko 20:00 sati 13. jula 1995.; general Radislav Krstić, načelnik štaba/zamjenik komandanta do oko 20:00 sati 13. jula 1995., a od tog vremena komandant Drinskog korpusa; pukovnik Vidoje Blagojević, komandant Bratunačke brigade; pukovnik Vinko Pandurević, komandant Zvorničke brigade; potpukovnik Dragan Obrenović, zamjenik komandanta i načelnik štaba Zvorničke brigade; Momir Nikolić, pomoćnik komandanta za bezbjednost i obavještajne poslove Bratunačke brigade; Dragan Jokić, načelnik inženjerije Zvorničke brigade; Ljubomir Borovčanin, komandant specijalne brigade policije MUP-a osnovane Naredbom 64/95, te razni drugi pojedinci i vojne i policijske jedinice koje su učestvovala u operacijama prisilnog premještanja i ubijanja bošnjačkih muškaraca i **SVI OPTUŽENI**, kao pripadnici zajedničkih snaga MUP-a učinili i pomogli u pripremanju i učenju krivičnog djela Genocid;

NAPOMENA: Izmjene prvobitne optužnice su označene boldiranim slovima.

TUŽILAC

